




“ԹՈՂ ՏՈՒՒՔ ՄԱՆ ՏՂՈՅԸ ՈՐ ԻՆՍԻ ԳԱՆ” ԳՈՒԿ. ԺԸ. 16:

ՀԱՏՈՐ ԺԳ.

ԿՈՍՏԱՆԴՆՈՒՊՈԼԻՍ, ՅՈՒՆԻՍ 1, 1884

ԹԻԻ 6



ՏԻՔԵՐԻՍ

ՏԻՔԵՐԻՍ

Այս քաղաքը որ վերի պատկերին մէջ ցուցուած է էր Տիքերիոյ ծովուն քով, և կը յիշուի Յովհ. 2. 1, 23, և ԻՍ. 1: Շինեց զայն Հերովդէս Անդիպաս և կոչելով Տիքերիա յանուն Տիքերի կոյսեր, ըրաւ մայրաքաղաք Գալիլեայի: Հերովդէս որ երկար ժամանակ կեցած էր իտալիա՝ շինեց այս նոր քաղաքին մէջ հոյակապ պալատներ և ուրիշ շէնքեր նման այնց զորս տեսած էր ի Հռոմ և անոր մօտերը:

Քաղաքն այնպէս անուանի եղաւ որ ծովն անգամ, որոյ եղերքն էր քաղաքը, կոչուեցաւ Տիքերիա, յանուն քաղաքին, և զարգիս կը կոչուի «Պահր էլ Թուպարիէ»: Ծովն է իբր վեշտասան մըն երկայն և վեց մըն լայն, և քաղաքը շինուած է ծովին հարաւային արևմտեան եզրը: Հիմա փորիկ քաղաք է իբր երեք կամ չորս հազար բնակչօք: Ունի շուրջանակի պարիսպ, բայց ժամանակը և երկրաշարժք գարձուցած են զայն յաւե-

րակ, ինչպէս կը տեսնուի պատկերին մէջ: Տիքերիոյ ծաղկեալ ժամանակն էր, երբ մեր Տէրը կը բնակէր կափառնայում: Արդարեւ զարմանալի է որ Աւետարաններուն մէջ յիշատակութիւն չկայ թէ Բրիտոսոս գնաց երբէք այն քաղաքը, կրնայ ըլլալ սակայն թէ գնաց, բայց Աւետարանիչք չյիշեցին: Եթէ արդարեւ չգնաց հոն Բրիտոսոս, պատճառն անտարակոյս այս էր, որ Հերովդէս առելի էր Հրէից և գլխաւորեց զՅովհաննէս Մկրտիչ:

Տիբերիոյ ծովուն մօտ կային շերմակներ որ շատ անուանի էին Հոսմայեցի հեղինակին Պլինիոսի ժամանակ :

Յետ անկման Երուսաղեմի, Հրէից Սանեարիոնը (աղգային ժողովը) փոխադրուեցաւ Սեպտիմիա, և ապա ի Տիբերիա, որ երևելի եղաւ Հրէից դպրոցներուն համար : Կոստանդիանոսի ժամանակ քրիստոնէսայ եղաւ քաղաքը, և խաչակրաց ժամանակ ե-

ԿԵԴՐՈՆԱԿԱՆ ԱՄԵՐԻԿԱՅԻ

ԳԻՅԱՐԱՆՈՒԹԻՒՆԸ

Աւետարեբի Մայիսի թուոյն մէջ խօսեցանք համառօտիւ կեդրոնական Ամերիկայի աւերակներէն ոմանց վրայ, և խոստացանք Յունիսի թուոյն մէջ խօսել այն աւերեալ քաղաքները և գիւղերը բնակող ժողովրդեան վրայ : Զարդիս իբրև ճշմարիտ ընդունուած է թէ Եուգաթմանի աւերակները ժամանակաւ քաղաքներ և գիւղեր էին զորս շինած էր Մայա կոչուած ժողովուրդը որ կը բնակէր Եուգաթման և շրջակաները, երբ Սպանիացիք նուաճեցին զանոնք վեշտասաներորդ դարուն մէջ : Այս Մայայք էին այժմու հին բնիկներուն նախնիները : Գաղիացի գիտունը Շառնէյ որ շատ աշխատած է անոնց քաղաքներուն և գիւղերուն աւերակները քրններու՝ կը կարծէ թէ այս հեթանոս ժողովուրդն ի սկզբան կը մատուցանէր իւր աստուածներուն թռչուն, պտուղ և ծաղիկ. յետ ժամանակաց Մեքսիկոյի հին բնակիչք մուծին հոն մարդազոհի սովորութիւնը : Երբ Սպանիացիք դտան այս երկիրը, Մայայք շատ տկարացած էին ներքինը ժառանգութիւններէ և պատերազմներէ, ուստի և դիւրաւ նուաճուեցան : Անոնց գլխաւոր աստուածներէն մին էր Եւա, որ կը կարծուէր թէ կը բնակէր բարձր լեռանց գլուխները և կ'իշխէր ամպերու և

անընդհատ, դերի տղայոց բազմութիւն մը կը զոհէին այս աստուծոյն : Տղայք դրուելով խոռոչ մը՝ կը մնային հոն փակուած, մինչև կը մեռնէին անսուաղութենէ : Խոռոչը չէր բացուէր, բայց միայն երբ հարկ կ'ըլլար այնպիսի նոր զոհ մը ընել : Վայրենի հեթանոս ցեղերու բնակարաններն են արդարև «բռնութեան բնակարաններ», ինչպէս կ'ըսէ Սաղմոսերգուն : Մայաներուն պատերազմի աստուածն հաւանականապէս էր նոյնը զոր



ԹՂԱՌԲ

զան նշանաւոր կռիւներ Տիբերիոյ մօտերը : Հրէից մէջ մեծ յարգ ունի այս քաղաքը մինչև ցայսօր : Շառ գեղեցիկ տեսարան կ'ընծայէ ծովը քաղաքին, ուստի կը տեսնուի հեռուն Հերանն լեռան ձիւնապատ գագաթը, և ծովին վերի ծայրը դաշտի վրայ կ'երևան կաթառնայումի աւերակները և ուրիշ տեղեր որ նշանաւոր են ֆրիատոսի բնակելուն համար անոնց մէջ ամիսներով իւր քարոզութեան ժամանակ :

անձրևի : Մայայք կը զոհէին մարդիկ այս աստուծոյն մանաւանդ երբ անձրև չկար և երկիրը կը նեղուէր երաշտութենէ : Մայիսի Աւետարեբին մէջ կայ այս աստուծոյն աղօտ պատկերը մեհենին պատին վրայ : Հոս կը դրնենք անոր մեծը : Աստուծոյն տեսիլն է ահագին և անհեղեղ, ծնօտը և քիթը գրեթէ կից իրարու, և բերնէն կը փչէ հով : Բնձառիւծու մարթձգուած է անոր ուսերուն վրայ, և օձ մը կը կենայ անոր սրունից մէջտեղ : Երբ երաշտութիւնը կը աւելը չորս տարի



ՀՈՒՅՑԻՆՈՐՈՐԻՒ

կը պաշտէին հին Մեքսիկոյիք Հոն-ճեթեթե անուամբ : Բան անձրևի աստուածն աւելի վայելչադէմ էր այս, և կը թուէր թէ կը քաշէր թշուառ կալնաւորներ շղթայիւ : Ինչպէս անձրևի աստուածը նոյնպէս այս կը պաշտուէր մարդազոհիք :

Գորանի անդրին է մին այն անհեղեղ կոոց անդրի պատկերներէն որ դտնուեցան Հոնտուրաս, ի հարաւոյ Եւքադանու : Այս անդրիներուն չորեքսասանը նկարագրուած է : Ասոնց

փոքրագոյնն է իբր մետասան կամ երկուսասան ոտք բարձր, և աւելի քան երեք ոտք լայն և թանձր: Անդրին երուն վրայ կան քանդակներ, յորոց ամանք շատ գեղեցիկ են: Իսկ անդրին երուն նիւթն է կակուղ քար որ առատ կը գտնուի այն դաւառին մէջ: Գիտունք կը քննեն հիմա ասոնց վրայ և մեհեաններուն մէջ քանդակուած արձանագրութիւնները, և եթէ յաջողին կարգաւ դանտնք, ինչպէս յաջողած են կարգաւ եգիպտական արձանագրիւնները, պիտի դիտնանք անաւարակոյ շատ բան այն ժողովըրդոց վրայ որ կը բնակէին այն երկիրը՝ Սպանիացոց հոն մուտ գտնելէն առաջ:

ՄՕՐՍ ԳԵՐԵԶՄԱՆԸ

Երեքտասան ամբ անցին յորմէ հեռէ մայրս մեռաւ, և ես բնիկ գիւղէս երկար ժամանակեայ բացակայութենէ մը ետքը, նստայ այն նուիրական հողակոյտին քով ընդ որով տեսած էի մօրս թաղուիլը: Այն սգալի ժամանակէն ի վեր մեծ փոփոխութիւն եկած էր իմ վերայ: Տղայական տարիներս թռած գտցած էին, և ընդ նոսա իմ մանկական բնաւորութիւնս: Աշխարհն իսկ ինձ փոխուած էր. և, երբ նստայ մօրս գերեզմանին մօտ, գժուարաւ կարէի հաւատալ թէ ես այն անհոգ, երջանիկ արարածն եմ, որոյ այտերը չափազանց դորովով կը համբուրէր մայրիկը: Համբոյր կենսասառ:

Բայց երեքտասան ամաց դէպք չը կարացին ջնջել մաքէս մօրս համբուրին յիշատակը: Այժմ իսկ ինձ կը թուի որպէս թէ դեռ երէկ տեսած էի զնա, անոր դէմքն աշուրնեբուս առջեւն է, և անոր քաղցր ձայնը դեռ կը հնչէ ականջիս: Տղայութեան և մանկութեանս դուարթ երազք կը նորոգին մաքիս մէջ, և եթէ անոնց մէջ դառն յիշատակներ չլինէին, արտասուքս ուրախութեան արտասուք պիտի լինէին: Արդարեւ չնչին դէպքի մը յիշատակը այժմ կը կակծցունէ սիրաս, և ես կը պատմեմ զայն որ տղայք

«որին յարէլ զծնող որչափ որ պէտ է: Մայրս երկար առեն հիւանդ էր, և ես այնչափ սովորեցայ անոր դեղնած դիմաց և ակար ձայնին, որ ալ չէի վախնար: Ի սկզբան կալցի ստասիկ, բայց երբ օր ըստ օրէ դպրոցէն դառնալով կը գտնէի մայրս նայն վիճակին մէջ, սկսայ հաւատալ որ մինչև ետքը մայրս ողջ պիտի մնար, բայց բնական աղ-

ի սկզբան կալցի ստասիկ, բայց երբ օր ըստ օրէ դպրոցէն դառնալով կը գտնէի մայրս նայն վիճակին մէջ, սկսայ հաւատալ որ մինչև ետքը մայրս ողջ պիտի մնար, բայց բնական աղ-



ԳՈՐԱՆԻ ԱՆԳՐԻՆ

դու՛մ մը կ'ըսէր նաև թէ մայրս պիտի մեռնէր:

Մի օր, երբ դասս աղէկ չգիտնալուս համար կարգիս մէջ աւելի վար լիջայ, դարձայ առն խոժոռ և վհատեալ, ելայ գացի մօրս սենեակը: Մայրս քան զսովորականն աւելի դեղնած էր, սակայն և այնպէս կը ցուցնէր ինձ նայն սիրայի ժպիտը որով յար կ'ողջունէր վերագարձս:

Աւա՛ղ, երբ միաքս կը բերեմ տասն և երեք ամաց անցքը, կը խորհիմ թէ

իմ սիրա չհալելու համար քար լինելու էր, քար կարծր: Ա՛հ, մայրս ինդրեց յինէն որ վար երթամ և մի գաւաթ ջուր բերեմ: Բայց աւա՛ղ, ես փոխանակ վազելու և մօրս հրամանը սիրով կատարելու, սրտնեղութեամբ մը ըսի, «Ինչ՞ու սպասաւորներուն չես հրամայեր, և ինձ կ'ըսես որ ջուր բերեմ»: Ա՛հ, յայնժամ յանդիմանական նայուածքով մը, զոր, եթէ հարկը տարի ալ ապրիմ, պիտի չմոռանամ, ըսաւ ինձ մեղմիկ, «Ի՞նչ սպասի պիտի չբերե՞մ հասա՞մ մը ջուր եւր իեղճ հիւանդ մօրը»: Ա՛հ, այս խօսք սիրաս կտոր կտոր ըրաւ:

Յետոյ գացի ջուր բերի, բայց ջուրը բերի ոչ սիրով, և ոչ յօժարութեամբ: Յետոյ փոխանակ ժպտելու և համբուրելու մօրս ձեռուրներ ինչպէս սովոր էի ընել, աճապարանօք դաւաթն վար դրի, և փութով մեկնեցայ սենեկէն: Քիչ մ'առեն խաղալէն ետքը դայի յանկողին պառկելու առանց մօրս զիշեր բարի ըսելու: Բայց երբ միայնակ մնացի սենեկիս մէջ, յիշեցի թէ այն օր ինչպէս աժգոյն կ'երևէր մօրս դէմքը, և ինչպէս կը սարսուէր անոր ձայնն երբ կ'ըսէր, «Ի՞նչ սպասի պիտի չբերե՞մ հասա՞մ մը ջուր եւր իեղճ հիւանդ մօրը»: Ա. Լ սիրաս յուղեցաւ, հոգիս խռովեցաւ, չկրցայ քնանալ: Ելայ ընդ փոյթ դացի մօրս սենեակը ներողութիւն խընդրելու. նա անոյ՛ջ քնոյ մէջ ընկղմած էր, և ըսին ինձ թէ պէտք չէր որ զայն արթնցունէի: Ես ևս չպատմեցի որ և է մէկուն ինչ որ զիս կը խռովէր, այլ դարձայ անկողինս միաքս դնելով առաւօտուն կանուխ երթալ ներողութիւն խնդրել մօրմէս, այնպէս իմ սրտիս ցաւոյ կրակը շիջուցանել:

Երբ առաւօտ եղաւ, քնէս արթնցայ, և աճապարանօք հանդերձներս հագնելով շուտ մը դացի մօրս սենեակը նորա ձեռուրներն համբուրելու և անկէ ներողութիւն խնդրելու: Աւա՛ղ, նա մեռած էր: Նա ալ չխօսեցաւ, այլ չժպտեցաւ ինձ, ու երբ մօտ երթալով բռնեցի այն ձեռուրներ զորս կը

գնէր իմ դիտուս վերայ զիս օրհնելու համար, անոնք այնչափ պաղ էին որ սարսափ աղբեցին ինձ: Խոնարհեցայ ի գետին մօրս անկողնոյն քով, և դառնապէս լացի և ողբացի կողկողագին: Յաւոյս սաստկութենէն կը փախաքէի մեռելի և մօրս հետ թաղուիլ:

Եւ հիմա որ այս տարիքը հասած եմ, աշխարհ կուտայի, եթէ կարելի լինէր քիչ մ'ատեն ողջ տեսնել մայրս, անոր բերնէն լսելու թէ արդեօք տըղայական ապերախտութեանս ներած է: Բայց, աւանդ, ալ չեմ կարող զինք յետս կոչել: Եւ երբ յետ այսորիկ կենամ մօրս գերեզմանին քով, և խորհիմ անոր բազմագիւմի բարութեանց վերայ, անոր վերջին յանգիմանական նայուածքին յիշատակը իբրև զօձ պիտի խայթէ սիրտս:

Անիւ տղայք, կ'ուզէ՞ք գուք ալ այս վիճակն իյնալ: Անտարակոյս չէք ուզեր: Ուրեմն հնազանդեցէ՞ք ձեր ծնողաց սիրով և յօժարութեամբ: «Ան աւել որ եր հայրը ծառը կ'ընէ, և եր մօրը հնազանդիւն կ'անարէ, յորեքուն աբաւաները պիտի փորեն, ու զանիկա արծիւներուն յաբերը պիտի ուրեն» կ'ըսէ Սրբազան մատեանն:

Խարբերդ Թարգմանեաց Սնդուկանէ
ՊՕՂՈՍ Թ. ՍԻՄՈՆԵԱՆ

ԶԱՐԲԱՆԱԼԻ ՓՈՓՈԽՈՒԹՅՈՒՆ ՄԸ

Աւետարեբի ընթերցողք քաջ գիտեն գորտերու թէ՛ կերպարանքը և թէ՛ անոնց սովորութիւններէն շատը: Ո՛րչափ քիչերը գիտեն գորտին պատմութիւնն ի ծննդեանէ: Կ'ուզենք այս մասին վրայ խօսել համառօտիւ:

Գարնան եղանակին երբ խոտերը կանաչ են և օդը մեղմ, եթէ երթաք փոքր լճի մը քով ուր գորտեր կան, պիտի տեսնէք շատ անգամ ջուրին վրայ լողացող կանաչ նիւթ մը որ կը կոչուի գորտի լողանիւթ, որոյ հետ խառն են փոքր փոքր գնդաձև մարմիններ որոյ իւրաքանչիւրն ունի ի միջոցին սև կէտ մը կամ արատ: Այս գնդաձև մարմինք են գորտի ձու: Քանի մը օր ետքը այն սև կէտերը կը սկսին մեծնալ, և կ'ըլլան շուտով շարժուն անասնիկներ որ պատկերին մէջ ցուցուած են «ա» նշանով: Երբ այս անասնիկներուն տուաք (պոչը) կ'երևայ, անասնիկը չկրնար դեռ խաղալ եր-

թալ իւր տեղէն կերակուր փնտռելու, այլ կը մնայ ձուոյն այն մասին մէջ որ ի սկզբան կը պատէր այն սև կէտը: Քիչ ետքը անասնիկը կ'ըլլայ կարող լողալ շուրջանակի իւր երկայն տասն օգնութեամբ, բայց դեռ չնմանիր գորտի: Կը կենայ հանդարտ, և չերևիր թէ կը խռովի ձայնէ կամ աղմկէ, բայց քիչ ետքը կը թուի խռովիլ, եթէ ջուրը յուզուի: Եթէ այս անասնիկները գրուին անձրևի ջրոյ մէջ, կ'երևի թէ չեն գտներ կերակուր: Իբր երկու ամիս քիչ փոփոխութիւն կը կրեն, անոնց աչուքները և մարմինը միայն կը մեծնան, բայց երկու ամիս ետքը եթէ քննես, կը տեսնես որ անոնց իւրաքանչիւրն ունի երկու եակի սրունք իւր ստան մօտ, ինչպէս կը ցուցնէ պատկերին մէջ «Ե» գիրը:



Այս երկու սրունք կ'աճին և կարճ ժամանակի մէջ կ'առնուեն այն կերպարանքը զոր կը ցուցնէ «Ե» գիրը: Երբ կամ չորս շաբթուան վերջը կ'երևան առջևի երկու սրունքը, մարմինը կը կորսնցունէ իւր կակուզ գեղնագոյն տեսիլը, և կը թուի տակաւ առնուլ ներքին ոսկրեղէն կազմած մը: Այս միջոցին կ'ըլլայ մեծագոյն փոփոխութիւնը, այսինքն՝ «Ե»-ը կ'ըլլայ «Զ»: Այս չկատարուիլ յանկարծ, և տուաք չ'իյնար իսկ և իսկ, այլ սակաւ առ սակաւ կը կարճանայ, մինչև բոլորովին կ'ընկղմի, և անոր նիւթը կ'ըլլայ սևունդ գորտին մարմնոյն, այնպէս որ անտասնիկն կ'ըլլայ կատարեալ գորտ, ինչպէս կը ցուցնէ «Ճ» գիրը: Այնուհետև գորտն ունի սրունք և ոտուքներ, և փոխանակ ապրելու միշտ ջրոյ հը, կրնայ ելլել ցամաք և մնալ երկար ատեն բաց օդոյ մէջ: Ո՛չ ապաքէն «զարմանալի փոփոխութիւն» է այս:

«ԶԵՄ ԿՐՆԱՐ ՔԱԿԵԼ»

Փոքրիկ աղջիկ մը նստած կը քակէր կար մը զոր սխալ կարած էր: Շատ աշխատեցաւ ասղանին հանել և բաւական յաջողեցաւ, սակայն կտաւին վրայ ասղանոյն ծակերը մնացին, այնպէս որ կարանին տեղը կը տեսնուէր: Փոքրիկ աղջիկը զայս տեսնելով աղաղակեց արտասուօք, «Ո՛հ, մայր, չեմ կրնար քակել այս կարը»: Աղջիկն ասով կը սորվէր կենաց դառնագոյն դասերէն մին: Աւելի նեղութիւն կու տայ մեզ քակել բան մը զոր չենք կրնար քակել յաջողութեամբ՝ քան բոլոր մեր առօրեայ գործերը, և որովհետև շատ աղէկ գիտենք զայս, կը ցաւինք շատ անգամ տեսնելով որ աղայք և աղջկուք կ'ընեն այնպիսի բաներ զոր յետոյ պիտի բաղձան թէ ըրած չըլլային: Մեծ տղայք և աղջկուքք աւելի սաստիկ ցաւ կը զգան աւելի ծանր յանցանաց համար: Գուք ամէնքդ գիտէք թէ կը բաղձաք ըրած չըլլալ այս ինչ կամ այն ինչ գործը, և կը ցաւիք որ այդ անհնարին է: Եւ արդ, ի՛նչ է ասոր դարմանը: Ահա այս է. Զանանք գործ մը ուղիւ ընել առաջին անգամ, և երբէք պիտի չուզենք ըրած չըլլալ զայն: Աղթեքք առ Հայրն երկնաւոր. հա երբէք սխալ Հառաջնորդեր մեզ և ինչ գործ որ կ'ընենք անոր առաջնորդութեամբը, բնաւ պիտի չուզենք թէ ըրած չըլլայինք:

ՀԱՆՆԸՆՈՒԿ ՄԸ ՍՈՒՐԲ ԳՐՔԷՆ

Եկաւ յաշխարհ առանց մարմնոյ և հոգւոյ, բարւոյ և չարի տեղեակ ըրաւ, երկու անձինք տեսան զայն և անոնցմէ մին մեռաւ: Կոյրերն ևս կը տեսնեն զայն, և կաղք կը քալեն անով, մեռեալք իսկ կը յառնեն: Չբաղմանց և Աստուծոյ հետ յարաբերութիւն ունի:

Աղբիւնուսպոլիս

Ամերիկայի Մեխիոնարաց ընկերութեան կողմէն
Խմբագիրը Ջ. Ք. Կրիւն.
Ֆիլադելֆիայի Կոզուշուլ 11-Ներքին խան

ԿՈՍՏԱՆԴՆՈՒՊՈԼԻՍ
ՏՊԱԳՐՈՒԹՅՈՒՆ Ա. ՅԱՍՈՒ ՊՅՅԱՆՆԱՆ